

ქ. თბილისის მუნიციპალიტეტის საკრებულოს აპარატი



ქ. თბილისის მუნიციპალიტეტის საკრებულოს ადმინისტრაციულ შენობასა და
ქ.თბილისის მუნიციპალიტეტის საკრებულოს მაჟორიტარი წევრების ოფისებში
შენობის მოწყობილობების და ტექნიკური მომსახურების
სახელმწიფო შესყიდვის გამარტივებული ელექტრონული ტენდერის

სატენდერო დოკუმენტაცია

სარჩევი

ინსტრუქცია ტენდერში მონაწილეთათვის	3
ტექნიკური მოთხოვნები	4
დანართი N1 გასაწევი მომსახურების აღწერილობა და მოცულობა	6
დანართი N2 ფასების ცხრილი	12
დანართი N3 რეკვიზიტები	13
შესყიდვის შესახებ ხელშეკრულების პროექტი	14

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაცია და სატენდერო წინადადების ფასი) წარდგენით პრეტენდენტი ავტომატურად ადასტურებს თანხმობას, შემსყიდველის მიერ სატენდერო დოკუმენტაციით განსაზღვრულ მოთხოვნებზე.

2. ტექნიკური დოკუმენტაცია

2.1 სატენდერო წინადადების ფასი:

2.1.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.1.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

2.2 ანგარიშსწორების პირობები, ვადები და ადგილი

2.2.1 ანგარიშსწორება მოხდება უნაღდო ანგარიშსწორებით ლარში.

2.2.2 ანგარიშსწორება მოხდება მიღება-ჩაბარების აქტის გაფორმებიდან არაუგვიანეს 20 კალენდარული დღის განმავლობაში.

2.2.3 მიღება-ჩაბარების აქტ(ებ)ი მხარეთა შორის გაფორმდება ყოველთვიურად, მომსახურების გაწევის შემდეგ, არაუგვიანეს საანგარიშო თვის მომდევნო თვის 10 რიცხვისა, შემსყიდველის მიერ განსაზღვრული ხელშეკრულების შესრულების კონტროლის განმახორციელებელი პირ(ებ)ის მიერ შედგენილი ინსპექტირების დასკვნის საფუძველზე.

2.2.4 წინასწარი ანგარიშსწორება არ გამოიყენება.

2.2.5 მომსახურების გაწევა განხორციელდება ეტაპობრივად, 2017 წლის 01 იანვრიდან 2017 წლის 31 დეკემბრის ჩათვლით, მომსახურების გაწევა უნდა განხორციელდეს შემდეგ მისამართ(ებ)ზე: ქ.თბილისი, თავისუფლების მოედანი N2 (შენიშვნა რომელშიც განთავსებულია ქ. თბილისის მუნიციპალიტეტის საკრებულო) და ქ.თბილისის ტერიტორიაზე არსებული ქ.თბილისის მუნიციპალიტეტის საკრებულოს მაჟორიტარი წევრების ოფისები.

3. შესყიდვის ობიექტის ტექნიკური დავალება:

3.1 გასაწევი მომსახურების აღწერილობა და მოცულობა განისაზღვრება სატენდერო დოკუმენტაციის დანართი N1-ის შესაბამისად. ზოგადი ინფორმაცია შენობის მოწყობილობებისა და დანადგარების შესახებ (იხ. დანართი N4).

4 პრეტენდენტის მიერ ერთიან ელექტრონულ სისტემაში ასატვირთი მონაცემები:

4.1. გასაწევი მომსახურების აღწერილობა სატენდერო დოკუმენტაციის დანართი N1-ის შესაბამისად, დოკუმენტაციაში მითითებული ფორმის დაცვით.

4.2 გასაწევი მომსახურების ფასების ცხრილი სატენდერო დოკუმენტაციის დანართი N2-ის შესაბამისად, დოკუმენტაციაში მითითებული ფორმის დაცვით.

4.3 რეკვიზიტები დანართი N3-ის მიხედვით.

4.4 პრეტენდენტის ბრუნვა შენობის გათბობა-კონდიციონერების, ვენტილაციის, ელექტრო მომარაგების და სუსტი დენების სისტემების მონტაჟის ან/და მომსახურებაზე უნდა შეადგენდეს მინიმუმ 1 000 000 ლარს 2014–2016 წლების განმავლობაში, აღნიშნული ინფორმაცია უნდა აიტვირთოს შემდეგი ცხრილის შესაბამისად:

N	შემსყიდველის დასახელება	ხელშეკრულების დადების და დასრულების თარიღი	შესყიდვის ობიექტი (კონკრეტული სისტემ(ებ)ის დასახელება)	ხელშეკრულების ღირებულება

შენიშვნა: შემსყიდველის მოთხოვნის საფუძველზე დამატებით წარმოადგინოს აღნიშნული დამადასტურებელი შესაბამისი დოკუმენტები (ხელშეკრულებ(ებ)ა, მიღება-ჩაბარებ(ებ)ა...).

5. დამატებითი ინფორმაცია:

5.1 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

5.2 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, თავისუფლების მოედანი N2, საკონტაქტო პირი: თინათინ კუპატაძე ტელ: +995 (32) 2 15 92 92 - 437.

5.3 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედდასმული უნდა იყოს პრეტენდენტის უფლებამოსილი პირის მიერ.

5.4 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია ერთიანი ელექტრონული სისტემის შესაბამისი მოდულის მეშვეობით.

5.5 პრეტენდენტი უფლებამოსილია დაინტერესების შემთხვევაში ადგილზე გაეცნოს არსებულ ვითარებას.

5.6 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, შესაძლებელია დასაბუთდეს ექსპერტიზის ან/და აუდიტის დასკვნით (დასკვნასთან ერთად წარმოდგენილ უნდა იქნას დასკვნის გამცემი პირის უფლებამოსილების დამადასტურებელი დოკუმენტის ასლი), შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან/და ანგარიშ-ფაქტურით (ინვოისით), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

გასაწევი მომსახურების აღწერილობა

1. ვენტილაციისა და გაგრილების სისტემის მომსახურება (იხ. დანართი N4-ის I-ლი, მე-2 , მე-3, მე-4, მე-5, მე-6 და მე-7 პოზიცია)

1.1. ვენტილაციის სისტემის მომსახურება

1.1.1. ვენტილაციის ცენტრალური დანადგარის ყოველდღიური (ან/და საჭიროებისამებრ) მონიტორინგი;

1.1.2. ვენტილაციის დანადგარზე ფილტრების გასუფთავება ან შეცვლა არანაკლებ თვეში ერთხელ (ან/და საჭიროებისამებრ);

1.1.3. დანადგარზე ღვედების და ძრავის შემოწმება; საჭიროების შეთხვევაში ღვედების შეცვლა;

1.1.4. ტემპერატურის რეგულირება შემსყიდველის მოთხოვნის შესაბამისად;

1.1.5. ვენტილაციის დანადგარის თერმოკამერით ტესტირება თვეში ერთხელ (ან/და საჭიროებისამებრ);

1.1.6. ჰაერის ნაკადების შემოწმება სეზონურად;

1.1.7. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები.

1.2. გაგრილების სისტემის მომსახურება

1.2.1. გაგრილების ცენტრალური დანადგარის ყოველდღიური (ან/და საჭიროებისამებრ) მონიტორინგი;

1.2.2. სისტემაში წყლის ან გლიკოლის წნევის სისტემატიური კონტროლი;

1.2.3. საცირკულაციო დანადგარების კონტროლი თერმოკამერის გამოყენებით, რათა არ მოხდეს გადახურება ან არ გამოვიდეს მწყობრიდან საკისრები;

1.2.4. გაგრილების დანადგარის (ფანკოილის) ფილტრების გასუფთავება ორ თვეში ერთხელ (ან/და საჭიროებისამებრ);

1.2.5. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

1.3. გათბობის სისტემების მომსახურება

1.3.1. გათბობის ცენტრალური დანადგარის სეზონზე ყოველდღიური (ან/და საჭიროებისამებრ) მონიტორინგი;

1.3.2. სისტემაში წყლის ან გლიკოლის წნევის სისტემატიური კონტროლი;

1.3.3. საცირკულაციო დანადგარების კონტროლი თერმოკამერის გამოყენებით, რათა არ მოხდეს გადახურება ან არ გამოვიდეს მწყობრიდან საკისრები;

1.3.4. გათბობის დანადგარის (ფანკოილის) ფილტრების გასუფთავება და რეგულირება ორ თვეში ერთხელ ან/და საჭიროებისამებრ;

1.3.5. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით, ასევე სხვა სარეგლამენტო სამუშაოები.

2. ელექტრო და სახანძრო სიგნალიზაციის სისტემების მომსახურება (იხ. დანართი N4-ის 8 პოზიცია)

2.1. ელექტრო სისტემის მომსახურება

2.1.1. დაბალი ძაბვის ელ ფარების, მექანიკური აგრეგატების მართვის ფარების ყოველკვირეული (ან/და საჭიროებისამებრ) მონიტორინგი და მოვლა; ელექტროფარების თერმოკამერით ტესტირება (თვეში 2-ჯერ ან/და საჭიროებისამებრ);

2.1.2. სადენების შემოწმება რათა არ მოხდეს გადახურება ან არ დაიწვას (თუ ასეთი შემთხვევა დადგება მიმწოდებლის მიერ უნდა განხორციელდეს შესაბამისი ზომები), იზოლაციის შემოწმება სპეციალური ხელსაწყო (მეგერის) საშუალებით 2 თვეში ერთხელ (ან/და საჭიროებისამებრ);

2.1.3. ამომრთველის გასუფთავება მტვრისგან თვეში ერთხელ ან/და საჭიროებისამებრ, შემსყიდველის მოთხოვნის საფუძველზე;

2.1.4. პერიოდული დენის ძალის (ამპერაჟის) კონტროლი;

2.1.5. დამიწების კონტურის ტესტირება წინააღმდეგ, სპეციალური ხელსაწყო გამოყენებით თვეში ერთხელ (ან/და საჭიროებისამებრ);

2.1.6. გარე და შიდა განათების სისტემის სრულფასოვანი ფუნქციონირების უზრუნველყოფა;

2.1.7. შენობაში არსებული გუმბათის ელექტრომექანიზმის მქონე ჟალუზების (სხვადასხვა ზომის, სულ 14 ცალი) გამართული ფუნქციონირების უზრუნველყოფა. მწყობრიდან გამოსვლის შემთხვევაში შეკეთებას უზრუნველყოფს მიმწოდებელი საკუთარი ხარჯებით;

2.1.8. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები;

2.1.9. სისტემის მუდმივი მონიტორინგი;

2.1.10. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები.

2.2. სახანძრო სისტემის მომსახურება

2.2.1. ყოველდღიური მონიტორინგი;

2.2.2. პერიოდულად დეტექტორების გაწმენდა შეკუმშული ჰაერით და ტესტირება; დეტექტორების შემოწმება თვეში ერთხელ (ან/და საჭიროებისამებრ) კვამლის დეტექტორის ტესტირების მეშვეობით;

2.2.3. საჭიროების შემთხვევაში დეტექტორების გამოცვლა სპეციალური ხელსაწყოების გამოყენებით (პლასტიკური ტელესკოპური შტანგა, პლასტიკური ტელესკოპური შტანგის დამაგრებელი და პლასტიკური ტელესკოპური შტანგის დაბოლოება-დეტექტორის მოსახსნელი);

2.2.4. ცეცხლმაქრების მომქმედების ვადების შემოწმება და განახლება (დატენვა) საჭიროებისამებრ;

2.2.5. სახანძრო წყლის სისტემის თვეში ერთხელ შემოწმება/ტესტირება;

- 2.2.6. პრეტენდენტს უნდა გააჩნდეს კვამლის დეტექტორისთვის სატესტო აირის მარაგი;
- 2.2.7. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები.

3. გენერატორისა და მუდმივი კვების წყაროს მომსახურება (იხ.დანართი N4-ის მე-9 პოზიცია)

3.1. გენერატორის მომსახურება (მოწყობილობის დასახელება-SDMO 700, სიმძლავრე 700KVA, რაოდენობა-1ცალი; SDMO 440, სიმძლავრე 440KVA, რაოდენობა-1ცალი)

3.1.1. ჰაერის, ზეთის და დიზელის საწვავის ფილტრების დოკუმენტაციაში მითითებულ დროში შეცვლა/შეკეთება შესაბამისი მასალებით.

3.1.2. ყოველთვიური (ან/და საჭიროებისამებრ) საავარიო გაშვება.

3.1.3. დანადგარის სრულფასოვან ფუნქციონირებასთან დაკავშირებული ინფრასტრუქტურის სრულად მომსახურება.

3.1.4. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით, ასევე სხვა სარეგლამენტო სამუშაოები.

3.1.5. გენერატორების გამართული მუშაობის უზრუნველყოფისათვის მიმწოდებელი ვალდებულია შევსებულ მდგომარეობაში იქონიოს „610“ ლიტრი ტევადობის ორი ძირითადი და „5000“ ლიტრი ტევადობის ერთი სათადარიგო ავზი (აღნიშნული გულისხმობს საწვავის შეძენას და ავზების შევსებას მიმწოდებლის ხარჯით).

შენიშვნა: საწვავი ტიპი- დიზელი L-62 (PPM 50 და მეტი).

3.1.6. გენერატორების გამართული მუშაობის უზრუნველყოფისათვის მიმწოდებელი ვალდებულია საჭიროების შემთხვევაში უზრუნველყოს ზეთის შეცვლა (აღნიშნული გულისხმობს ზეთის შეძენას და შეცვლას მიმწოდებლის ხარჯით).

შენიშვნა: ზეთის ტიპი- 10W40.

3.2. მუდმივი კვების წყაროს მომსახურება (TRIPPLITE45 , სიმძლავრე 45KVA რაოდენობა - 1ცალი)

3.2.1. აკუმულატორების რეგულარული ტესტირება.

3.2.2. მუდმივი ელექტროკვების წყაროს სისტემის გამართული მუშა უნარიანობის უზრუნველყოფა, რათა ძაბვის მატების ან კლების შემთხვევაში სისტემას არ შეუწყდეს ელექტრო ენერგიის მიწოდება;

3.2.3. მუდმივი ელექტრო კვების წყაროს სისტემის მონიტორინგი;

3.2.4. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები.

4. ცივი და ცხელი წყალმომარაგების, საკანალიზაციო ქსელის/სან-კვანძების სისტემების მომსახურება (იხ. დანართი N4-ის მე-10 და მე-11 პოზიცია)

4.1 სისტემების მონიტორინგი და წარმოშობილი პრობლემების მოგვარება;

4.2. წყლის წნევის რეგულირება;

4.3. წნევის შემქმნელი და ფეკალური ტუმბოების შემოწმება;

4.4. წყლის ფილტრების გასუფთავება თვეში ერთხელ (ან/და საჭიროების შემთხვევაში);

4.5. სანტექნიკის სისტემების, მარაგ-ნაწილების, აქსესუარების მოვლა, შეძენა და შეცვლა;

4.6. სახურავის სანიაღვრე სისტემის მოვლა/გამართული ფუნქციონირების უზრუნველყოფა, სახურავის და ჟოლობების დასუფთავება.

4.7. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით, ასევე სხვა სარეგლამენტო სამუშაოები.

5. სპრინკლერული ხანძარქრობის სისტემის მომსახურება (იხ. დანართი N4-ის მე-12 პოზიცია)

- 5.1. სისტემების მონიტორინგი და წარმოშობილი პრობლემების მოგვარება;
- 5.2. წყლის წნევის რეგულირება;
- 5.3. წნევის შემქმნელი ტუმბოების შემოწმება;
- 5.4. წყლის ფილტრების გასუფთავება თვეში ერთხელ (ან/და საჭიროებისამებრ);
- 5.5. თვეში ერთხელ სატესტო სამუშაოების ჩატარება;
- 5.6. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით, ასევე სხვა სარეგლამენტო სამუშაოები.

6. ლიფტების მომსახურება (შენობაში ასასვლელი ლიფტი დადიანის მხრიდან– AKE-UM-FR-100-600kg-1-ცალი; დადიანის მხრიდან რეგისტრატორებთან შემოსასვლელი ლიფტი-HIRO LIFT 350Z - 225-კგ- 1-ცალი; სასადილოს ლიფტი-GLIFT- 150კგ- 2 ცალი, სხდომის დარბაზის ლიფტი- Lehner liftechnik GmbH model LE 8419 180-კგ- 1-ცალი და მერის შემოსასვლელიდან შუა გუმბათიან დარბაზში მდებარე ლიფტი- Lehner liftechnik GmbH model LE 8421 300-კგ- 1-ცალი)

6.1. კაბინის ვენტილაციის, განათების, ღილაკების, საზეთურების, მიმართველების, ძრავის და მუხრუჭის, კაბინის შიდა სისტემის შემოწმება თვეში ერთხელ და საჭიროებისამებრ.

6.2. კაბინის ტროსების, შკივების, სიჩქარის შემზღუდველის, მცოცავების, ავარიული დახმარებისა და უწყვეტი კვების წყაროს შემოწმება არანაკლებ თვეში ერთხელ. კაბინის საფიქსირებლების, მართვის კარადის, ძრავის სამაგრის, კაბინის ავარიული დამჭერების, მუხრუჭის ხვიის, შახტის ელექტრო გაყვანილობის და ავტომატური ამომრთველების და პასპორტში მითითებული აუცილებელი ელემენტების შემოწმება და მუდმივი მონიტორინგი.

6.3. დანადგარის გამართულ ფუნქციონირებასთან დაკავშირებული ინფრასტრუქტურის სრულად მომსახურება;

6.4. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით, ასევე სხვა სარეგლამენტო სამუშაოები.

7. ტურნიკეტის გამართული ფუნქციონირების უზრუნველყოფა

7.1. ტურნიკეტის გამართული ფუნქციონირების უზრუნველყოფა (მწარმოებელი-Gunnebo, სერია-Twisterlight, მოდელი- PST002, რაოდენობა- 2 ცალი.

მწარმოებლის მიერ რეკომენდირებული გეგმიური შემოწმება/მოვლა-პატრონობა რეკომენდაციების სრული დაცვით, ასევე სხვა სარეგლამენტო სამუშაოები.

7.2. ტურნიკეტის გამართული ფუნქციონირების უზრუნველყოფა (მწარმოებელი - Speedstyle, სერია FLs, მოდელი- EV, რაოდენობა- 2 ცალი. მწარმოებლის მიერ რეკომენდირებული გეგმიური შემოწმება/მოვლა-პატრონობა რეკომენდაციების სრული დაცვით, ასევე სხვა სარეგლამენტო სამუშაოები.

8. დურგლის მომსახურება

8.1. შენობაში საკეტების შემოწმება მის ვარგისიანობაზე (თუ დადგინდება, რომ საკეტი გამოსადეგად უვარგისია, მიმწოდებელი ვალდებულია უზრუნველყოს მისი შეცვლა საკუთარი ხარჯით);

8.2. შენობაში კარებ(ებ)ის დაკეტვის, გაღების ნორმალური მუშაობის უზრუნველყოფა;

8.3. შენობის ფასადზე ფანჯრების საკეტების შეკეთება ან საჭიროების შემთხვევაში საკუთარი ხარჯებით გამოცვლა; შუშების დაზიანების შემთხვევაში, მისი ახლით შეცვლა;

8.4. შენობაში პლინტუსების შეკეთება;

8.5. შემსყიდველის ბალანსზე რიცხული ინვენტარის (მაგიდების, კარადების, ტუმბოების, სკამების, სავარძლების და ა.შ.) შეკეთება;

8.6. ლოკალური ზარების დროს შენობაში დაზიანებების დროულად აღმოფხვრა.

9. დამხმარე მუშების მომსახურება

შემსყიდველის საჭიროებიდან გამომდინარე ტვირთების და სხვადასხვა მატერიალური ფასეულობების გადატანა როგორც შენობის შიგნით ასევე მის გარეთ. რაც გულისხმობს შესაბამისი ტრანსპორტის დაქირავებას, დატვირთვა-ჩამოცლას, დანიშნულების ადგილამდე მიტანას.

10. მიმწოდებელმა საკუთარი ხარჯებით უნდა მოახდინოს შემსყიდველის კუთვნილი საოფისე ინვენტარის, კარ-ფანჯრების შეკეთება და მასალა-ნაწილებით მომარაგება (მ/შ საკეტები და მათი გულანები, გასაღებები, ბოქლომები, სახელოურები, პეტლები, ანჯამები, ზამბარები, კარის დამჭერი მექანიზმები - ე.წ. შვეიცარები, გორგოლაჭები და სხვა). მასალების განახლება უნდა განხორციელდეს არსებული ინვენტარის მსგავსი თავსებადი საქონლით ჩანაცვლებით.

11. მიმწოდებელმა საკუთარი ხარჯებით უნდა მოახდინოს შემსყიდველის კუთვნილი საოფისე ტექნიკის (გათბობა-კონდიციონერების სისტემის, ტელევიზორების, მაცივრების და სხვა ელექტრო მოწყობილობების (გარდა კომპიუტერული ტექნიკისა)) შეკეთება, ასევე საჭიროების შემთხვევაში შემსყიდველის მოთხოვნის საფუძველზე საკუთარი ხარჯებით უზრუნველყოს ელექტრო მოწყობილობების მონტაჟი და დემონტაჟი. თუ საოფისე ტექნიკა არ ექვემდებარება შეკეთებას, მიმწოდებელი ვალდებულია, წარმოადგინოს შესაბამისი დასკვნა;

12. მომსახურება უნდა განხორციელდეს კვალიფიციური სპეციალისტების მეშვეობით, რომლებმაც აღნიშნული მომსახურება და წინამდებარე ხელშეკრულებით გათვალისწინებული მატერიალური ფასეულობების მოვლა-პატრონობა უნდა განხორციელონ სისტემის შესაბამისი კომპონენტის მწარმოებლის რეკომენდაციის სრული დაცვით. მიმწოდებელმა უნდა გამოყოს არანაკლებ ორი მორიგე თანამშრომელი, რომელიც 24 საათის განმავლობაში მუდმივად უნდა იმყოფებოდეს ობიექტზე და ერთი მენეჯერი, რომელიც ასევე უზრუნველყოფს მასზე დაკისრებული მოვალეობების შესრულებას. მომსახურების გამწევ პერსონალს უნდა გააჩნდეს მომსახურების გაწევისთვის საჭირო სპეციალური ტექნიკური საშუალებები: სპეციალური ფორმა წარწერით - „ტექნიკური პერსონალი“ და აღჭურვილობა. მომსახურების გაწევისას მკაცრად უნდა იქნას დაცული უსაფრთხოების რეკომენდირებული ნორმები.

13. შენობაში არსებული აგრეგატების, სისტემების და მოწყობილობების მუშაობაში ხარვეზის აღმოჩენის შემთხვევაში, მიმწოდებლის მიერ დაუყოვნებლივ უნდა განხორციელდეს შესაბამისი რეაგირება და მიღებული იქნას ყველა აუცილებელი ზომა არსებული ხარვეზის უმოკლეს ვადებში აღმოსაფხვრელად (სისტემაში მნიშვნელოვანი ხარვეზის აღმოჩენის

შემთხვევაში, ხარვეზის აღმოფხვრის კონკრეტულ მაქსიმალურ გონივრულ ვადებს ადგენს შემსყიდველი მიმწოდებელთან შეთანხმებით).

14. ხელშეკრულების მოქმედების პერიოდში წარმოქმნილი ყველა საჭიროების შესაბამისად, მიმწოდებელი საკუთარი ხარჯით უზრუნველყოფს მცირე სარემონტო სამუშაოების წარმოებას (კერძოდ: დაზიანებული ნებისმიერი სტრუქტურის მქონე კედლის, იატაკის, ჭერის აღდგენა/შეღებვა/გამოცვლა და ა.შ. მომსახურების გაწევისას გამოყენებული მასალები მაქსიმალურად უნდა შეესაბამებოდეს შენობა-ნაგებობის, მოწყობილობებისა და სისტემების მახასიათებლებს (იმ შემთხვევაში, თუ თითოეულ ჯერზე ამ ქვეპუნქტით გათვალისწინებული შესასრულებელი სამუშაოს ღირებულება არ აღემატება 1000 ლარს (საბაზრო ფასის გათვალისწინებით)).

15. წინამდებარე დანართის 1-ლი-მე-11 პუნქტებით გათვალისწინებული მომსახურების თითოეულ პოზიციაზე, ხელშეკრულების მოქმედების პერიოდში წარმოქმნილი ყველა საჭიროების შესაბამისად, მიმწოდებელმა უნდა უზრუნველყოს ნებისმიერი ღირებულების მქონე საქონლის (საწვავ-საცხებ-საპოხი, სახარჯი მასალები, აქსესუარები, მოწყობილობების და დანადგარების მარაგ/ნაწილები და სხვა) შეცვლა, შეკეთება, დამონტაჟება/დემონტაჟი;

16. იმ შემთხვევაში, თუ წინამდებარე შესყიდვით გათვალისწინებული მოწყობილობებისა და სისტემების გამართული ფუნქციონირებისათვის საჭირო გახდება ისეთი მომსახურების ან/და საქონლის შესყიდვა, რომლის მიწოდებასაც არ ითვალისწინებს სატენდერო დოკუმენტაცია, მიმწოდებელი ვალდებულია შემსყიდველს გაუწიოს კონსულტაცია და გონივრულ ვადაში მიაწოდოს ახალი შესყიდვის განხორციელებისთვის საჭირო დეტალური ინფორმაცია (შესყიდვის ობიექტის აღწერილობა, ტექნიკური მახასიათებლები, რაოდენობა/მოცულობა და სხვა).

17. მომსახურება უნდა განხორციელდეს შენობაში მიმდინარე სამუშაო პროცესის შეფერხების გარეშე.

18. მომსახურების გაწევის პროცესში შემსყიდველისთვის ან/და მესამე პირისთვის მიყენებული ქონებრივი და არაქონებრივი ზიანის ანაზღაურება მიმწოდებელმა უნდა უზრუნველყოს სრულად, საკუთარი ხარჯით; აღნიშნული ზიანის წარმოშობის შემთხვევაში, ზიანის აღმოფხვრა უნდა განხორციელდეს შემსყიდველთან შეთანხმებით გონივრულ ვადაში.

19. პრეტენდენტი სასურველია ადგილზე გაეცნოს არსებულ ვითარებასა და მომსახურების გასაწევ მატერიალურ ფასეულობებს.

20. აღნიშნული დანართის 1-ლი-მე-11 პუნქტებით განსაზღვრული ვალდებულებების შესრულების პროცესს ესწრება საკრებულოს აპარატის მატერიალურ-ტექნიკური უზრუნველყოფის განყოფილების თანამშრომელი, რის თაობაზეც შედგება შესაბამისი აქტი.

ინფორმაცია ხელმოწერილი დაბეჭდილი უნდა იყოს უფლებამოსილი პირის მიერ.

ფასების ცხრილი

N	მომსახურების დასახელება	მომსახურების გაწევის ადგილი	1 თვეზე გასაწევი მომსახურების ღირებულება (ლარი)	საერთო ღირებულება (ლარი)	მომსახურების გაწევის პერიოდი
1	2	3	4	5	6
1	ქ.თბილისის მუნიციპალიტეტის საკრებულოს ადმინისტრაციულ შენობასა და ქ.თბილისის მუნიციპალიტეტის საკრებულოს მაჟორიტარი წევრების ოფისებში შენობის მოწყობილობების შეკეთება და ტექნიკური მომსახურება სატენდერო დოკუმენტაციის დანართი N1-ის და დანართი N4-ის შესაბამისად.	ქ.თბილისი, თავისუფლების მოედანი N2 და ქ.თბილისის მუნიციპალიტეტის საკრებულოს მაჟორიტარი წევრების ოფისები			2017 წლის 01 იანვრიდან 2017 წლის 31 დეკემბრის ჩათვლით

1. რეკვიზიტები:

პრეტენდენტის იურიდიული ფორმა და დასახელება:

*ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშსწორების ანგარიში:

საიდენტიფიკაციო კოდი

ხელმოწერა _____ ბ.ა.

**თუ პრეტენდენტი ფიზიკური პირია უნდა მიეთითოს პირადობის მოწმობის ან პასპორტის მიხედვით პირადი ნომერი.*

**ხელშეკრულება
სახელმწიფო შესყიდვის შესახებ №**

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებული პრეტენდენტის სატენდერო წინადადების შესაბამისად, ხელშეკრულების გაფორმების პროცესში.

ქ. თბილისი

--- --- 201 წ.

ჩვენ, ერთის მხრივ, ქ.თბილისის მუნიციპალიტეტის საკრებულოს აპარატი, წარმოდგენილი ქ.თბილისის აპარატის უფროსის ----- სახით (შემდგომში “შემსყიდველი”), ხოლო მეორეს მხრივ „-----“, წარმოდგენილი დირექტორის ----- სახით (შემდგომში „მიმწოდებელი“), ვხელმძღვანელობთ რა „სახელმწიფო შესყიდვების შესახებ“ საქართველოს კანონითა და სხვა მოქმედი კანონმდებლობით, ვდებთ წინამდებარე ხელშეკრულებას შემდეგზე:

შემსყიდველმა ჩაატარა გამარტივებული ელექტრონული ტენდერი:

----- სახელმწიფო შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება განახორციელოს ზემოაღნიშნული ობიექტზე მომსახურების გაწევა შემდეგ თანხაზე: ----- (-----) ლარი, ხელშეკრულებით გათვალისწინებული თანამდები ხარჯების (საქართველოს კანონმდებლობით გათვალისწინებული ყველა გადასახადისა და გადასახდელის, ასევე ყველა ხარჯის, რომელიც დაკავშირებულია მომსახურების გაწევასთან) ჩათვლით (შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და ახორციელებს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. გასაწევი მომსახურების ობიექტი და კლასიფიკატორის კოდი

2.1 ხელშეკრულების შესყიდვის ობიექტი განისაზღვრება სატენდერო დოკუმენტაციის, კერძოდ ტექნიკური დოკუმენტაციის მოცემული ტექნიკური დავალების შესაბამისად, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2.2 კლასიფიკატორის კოდი: **507 000 00.**

3. ხელშეკრულების შესრულების კონტროლი

3.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან განახორციელოს გაწეული მომსახურების ხარისხის ინსპექტირება, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

3.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.

3.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ.თბილისის მუნიციპალიტეტის საკრებულოს აპარატის მატერიალურ-ტექნიკური უზრუნველყოფის განყოფილების თანამშრომლები.

4. მომსახურების გაწევის პირობები

4.1 ხელშეკრულების ტექნიკური დოკუმენტაციის მოცემული ტექნიკური დავალების შესაბამისად, 2017 წლის 01 იანვრიდან 2017 წლის 31 დეკემბრის ჩათვლით.

5. გაწეული მომსახურების ხარისხი

5.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

5.2 გაწეული მომსახურების ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

6. გაწეული მომსახურების მიღება-ჩაბარების წესი

6.1 შესყიდვის ობიექტის მიღება-ჩაბარებას ქ.თბილისის მუნიციპალიტეტის საკრებულოს აპარატის მატერიალურ-ტექნიკური უზრუნველყოფის განყოფილების თანამშრომლების დასკვნის საფუძველზე განახორციელებს ქ. თბილისის მუნიციპალიტეტის საკრებულოს აპარატის მატერიალურ-ტექნიკური უზრუნველყოფის განყოფილების უფროსი.

6.2 მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

7. ანგარიშსწორება

7.1 ანგარიშსწორება მოხდება ლარში.

7.2 გადახდის ფორმა: უნაღდო.

7.3 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

7.4 ანგარიშსწორება მოხდება ყოველთვიურად, ქ. თბილისის მუნიციპალიტეტის საკრებულოს 2017 წლის ბიუჯეტიდან, მხარეთა შორის მიღება-ჩაბარების აქტის გაფორმებიდან არაუგვიანეს 20 (ოცი) კალენდარული დღის ვადაში.

8. ფასები

8.1 შესყიდვის ობიექტის ფასი განისაზღვრება ლარში.

8.2 შესყიდვის ობიექტის საერთო ღირებულება შეადგენს ---- (-----) ლარს.

8.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა

„სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

10.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი უფლებმა-მოვალეობები მესამე პირს.

10.2 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისთვის მთლიანი ან დარჩენილი უფლება-მოვალეობების გადაცემის თაობაზე, აგრეთვე მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე..

10.3 შეთანხმების მიღწევის შემთხვევაში უფლება-მოვალეობების გადაცემა (მთლიანად ან ნაწილობრივ) ფორმდება წერილობითი სახით შემსყიდველსა, მიმწოდებელსა და მესამე პირს შორის.

11. სუბკონტრაქტორები

11.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადებარე ხელშეკრულების დამატების სახით.

11.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

11.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

12. ხელშეკრულების პირობების შეუსრულებლობა

12.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

12.2 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, – ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.1 %-ს.

12.3 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12.4 საჯარიმო სანქციით დაკისრებული თანხა გადახდილ უნდა იქნას მხარისთვის (მიმწოდებელი) აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვეში.

13. ხელშეკრულების შეწყვეტა მისი პირობების შეუსრულებლობის გამო

13.1 შემსყიდველს უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს მიმწოდებელს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად:

ა) თუ მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

ბ) თუ მიმწოდებელი სისტემატიურად და/ან უხეშად არღვევს ხელშეკრულების პირობებს;

გ) იმ შემთხვევაში, თუ მიმწოდებლის მხრიდან საქონლის მიწოდების ვადების დარღვევის პერიოდი აღემატება 15 კალენდარულ დღეს ან ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 25%-ს;

დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრ ვალდებულებების შესრულებას;

ე) მიმწოდებლის გაკოტრების შემთხვევაში;

ვ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

ზ) საქართველოს კანონმდებლობით გათვალისწინებულ სხვა შემთხვევებში;

13.2 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია გაწიოს მომსახურება ან მომსახურების ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

13.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.4 მე-13 მუხლის 13.1 და 13.2 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

14. ფორს-მაჟორი

14.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

16. ურთიერთობა ხელშეკრულების დამდებ მხარეებთან

16.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი გზავნილი უნდა მოხდეს ფოსტის საშუალებით. ოპერატიული კავშირის დამყარების მიზნით დასაშვებია შეტყობინების მეორე მხარისთვის მიწოდება დეპეშის, ტელექსის ან ფაქსის სახით,

ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. ხელშეკრულების ენა

17.1 ხელშეკრულება შედგენილი უნდა იქნეს ქართულ ენაზე, ორ ეგზემპლარად, თითოეულ მათგანს გააჩნია თანაბარი იურიდიული ძალა. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

18. გადასახადები და დაბეგვრა

18.1 უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

18.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

19. ხელშეკრულების მოქმედების ვადა

19.1 წინამდებარე ხელშეკრულება ძალაშია ზემოთ მითითებული თარიღიდან ----- ჩათვლით.

20. სხვა პირობები

20.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

20.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

20.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

20.4 გამარჯვებული პრეტენდენტის მიერ წარმოდგენილი სატენდერო წინადადება და დანართ(ებ)ი თან ერთვის ხელშეკრულებას და წარმოადგენს მის განუყოფელ ნაწილს.

20.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

მიმწოდებელი:
